

EDITORIAL

Papigsaen ti panaglaban iti kumarkaro a pannakibiang militar ken panangdurog ti gerra ti imperyalismo nga US

Kadagiti sumaruno a lawas ken bulan, sigurado a sangoen ti umili a Pilipino ti lalo a panagkaro ti pannakibiang militar ti imperyalismo nga US ken dagiti kaalyado na a pagilian iti Pilipinas iti panangdurog ti gerra laban iti China. Saan nga adayo a dumanon iti armado a komprontasyon dagiti opensibo nga aksyon ti US ken dagiti alyado na kontra China iti uneg ti agdam a tawen, aglalo ta desperado nga agpalastog ni President Biden ti US para iti eleksyon idiay intuno Nobyembre.

Sungsungrudan ti US ti tensyon militar iti ingkeddeng na a first island chain a sumaksaklaw kadagiti pagilian ken isla tapno palawlawan ti China (manipud Kuril Islands, Japan, Ryukyu Islands, Taiwan, amianan ken laud a Pilipinas ken Bor-


neo). Lalo a pappapuduten ti US ti sitwasyon iti nakakeddeng a panangpatignay iti 11,000 tropa nga Amerikano iti Balikatan 2024 (Abril 22 agingga Mayo 10) ken ti nakasina pay a wargames a Cope Thunder manipud Abril 8 agingga 19.

Sakbay na, nagsasaruno ti panagsangpet ken pannakimiting dagiti tulbek nga opisyal militar ken pangseguridad ti US karaman ni State Sec. Anthony Blinken, kenni Ferdinand Marcos Jr ken iti AFP. Inrana dagiti pulong iti panawen a nangato ti sentimyento laban iti may-sa manen a panagbomba ti danum nga insayangkat ti

China laban iti "supply mission" ti Coast Guard idiay Ayungin Shoal. Dagitoy a "supply mission" ket paset dagiti taktika a direkta ken nalimed a durdurugan ti US tapno kariten ti "gray tactics" (dagiti agresibo nga aksyon a saan nga armado) ti China ken iduron daytoy a direkta nga agaramat ti armado nga aksyon.

Makaunget ti umili a Pilipino kadagiti agresibo nga aksyon ti China laban iti barko ken dagiti manggalap a Pilipino. Ngem imbes nga iduron ti naduma-duma a langa ti panangresolba kadaytoy iti natalna a wagas, gunggundawayan ti US ti sitwasyon tapno makibiang ken paddakelen ti militar na iti pagilian. Ar-aramaten met daytoy ti US tapno ikkan rason ti armado nga aksyon na iti uneg ti Mutual Defense Treaty (MDT), iti panggep a sungrodan ken paggil-ayaben ti gerra iti rehiyon ti Asia Pacific iti saan nga adayo a masangoanan. Iti durog ti US, indeklara iti nabiit ni Marcos a "mapanggeddeng a sungbatan" ti Pilipinas ti panangliplipit ti China, kasallabay ti "katinnulong, gayyem ken kaalyado na nga US."

Indikasyon ti gandat ti US iti panangpaarangkada ti panangdurog ti gerra ti barbaro a "delayn" ti AFP a parmeken na aminen a larangan gerilya idi Marso 31, rippuogen ti amin a panglaban a yunit ti NPA sakbay ti panaglippas ti Hunyo, ken amin a pangrehiyon a komite ti PKP ken komand ti NPA



sakbay ti panaglippas ti tawen. Ti mano daras metten nga indeklara ni Marcos a kayat na a makita ti AFP a nakaturong iti "external defense" ket maipasurot iti kalikagum ti US a naan-anay a maaramat ti AFP kadagiti plano na iti panagsagana ken panangdurog ti gerra kontra iti China. Agturong ditoy, nakasagana ni Marcos a manggastar ti binilyon a pondo ti umili tapno gatangen dagiti nagalusan nga armas nga ilaklako ti US ken dagiti alyado na iti AFP.

Iti sango ti dakkel a pangta ti panagirteng ti pannakibiang militar ti US, kasapulan nga ingga't bael nga ibuelo ti nasaknap a tignayan nga anti-imperyalista kadagiti umay a lawas ken bulan. Rumbeng nga itultuloy ti kampanya ken panaglaban iti pannakibiang militar ti US, saan laeng iti panawen ti Balikatan, nu di iti intero a tawen.

Sigida nga ikasa ti plano para iti nasaknap a kampanya edukasyon iti kaaw-awayan ken kadagiti syudad. Angayen dagiti panagtatabuno ken dagiti nasaknap a panagadal. Napennek nga ibutaktak ti panangdurog ti US ti gerra ken panangmanipula na kadagiti sentimyento dagiti Pilipino laban iti China, ken ti pudno a panggep na a makaipuesto daytoy kadagiti tropa ken armas iti pagili-

an, ken makalako ti ad-adu nga armas iti Pilipinas ken kaabay a pagilian. Kas iti mapasasamaken iti proxy war na idiyay Ukraine, ken henosidyo na idiyay Palestine katinnulong ti Zionista a rehimen idiyay Israel, dakkel ti masapulan dagiti Amerikano a kompanya ti armas nu gumil-ayab ti rehiyonal a gerra iti Asia-Pacific.

Patignayen ti intero a pagilian tapno salakniban ti kinatalged ti Pilipinas iti sango ti panangdurdurog ti US ti gubat iti China. Saan a baybay-an a maulit ti didigra ken pait a nalak-am idi nagdinnungpar iti pagilian ti imperyalista nga US ken Japan idi Maikadua a Sangalubongan a Gubat. Pagkaykaysaen ti amin a demokratiko a puersa tapno labanan ti pannakibiang militar ti US ken iduron ti panangrebba kadagiti base ken pasilidad na iti kadagaan ken baybay ti Pilipinas. Kagiddan na, irupir iti China a tumalaw kadagiti soberano a teritoryo ti Pilipinas ken isardeng ti pananglipit na kadagiti mangngalap iti bukod tayo a pagkalapan. Iturong agpada iti China ken US ti panawagan a tumalaw ken isardeng ti militarisasyon idiyay West Philippine Sea, bayat nga ikikkan talmeg ti panangibutaktak ken panangtubngar iti lalo a dakdakkel

ken agresibo a presensya ti US iti baybay ken kadagaan ti Pilipinas, ken iti direkta a panangdurdurog na ti gerra.

Palataken dagiti krimen ti US iti pagilian iti nasurok maysa siglon a panagintuturay ken pananggamgam iti Pilipinas. Ibutaktak dagiti panaglabsing iti karbengan-tao, panagbombomba ken dadduma pay a panagabusu ti pina-irteng a kampanya ti panangikuspil iti kaaw-awayan ti ponpondoan, sansanayen ken ar-armasan na nga AFP.



Isilpo daytoy iti nasaknap a panagbombomba nga inaramid ti US-Israel idiyay Gaza ken ar-aramiden met itatta idiyay India. Pairuten ti panagkaykaysa ti umili a Pilipino ken Palestino ken amin a mairadadanes nga umili a biktima ti imperyalismo nga US.

Lalo pay a papigsaen ti silpo kadagiti alyansa a kontra iti imperyalista a pananggerra ti US iti nadumaduma a paset ti lubong. Lalo a papigsaen ti panawagan iti masa nga Amerikano a makikaykaysa iti pannakidangang ti Pilipino ken labanan ti panangited ti gobyerno a Biden ti ayuda militar ken armas iti aso-aso a rehimen Marcos ken abusado nga AFP.

Sistematiko a gaw-aten, organisaen ken patignayen ti dumakdakkel a bilang ti umili laban iti Balikatan, kumarkaro a pannakibiang ti US, ken panangdurdurog ti gubat. Kabayabay ti panaglaban ti sanga-pagilian kontra "chacha" ken dagiti dagus nga arungaing ti umili para iti nayun sueldo, pagimbagan ken karbengan, daytoy a panaglaban ket lalo a mangpapigsa ken mangparegta iti nailian-demokratiko a tignayan masa.

Determinado met ti NPA nga agpapigsa ken agirussuat kadagiti umad-ado a taktikal nga opensiba, a krusyal a salik tapno lappedan ti iskema ti US a pagil-ayaben ti inter-imperyalista a gubat. Papigsaen ti rekrutment ti NPA ken ummungen ti nalawa a suporta ti patriyotiko a tignayan para iti rebolusyonaryo nga armado a pannakidangang.

AB

 <p>Tawen LV No. 7 Abril 7, 2024</p> <hr/> <p>Ti Ang Bayan ket maipabpablaak iti lenggwahe a Pilipino, Bisaya, Iloko, Hiligaynon, Waray ken Ingles. Agawawat ti Ang Bayan kadagiti kontribusyon nga artikulo ken damdamag. Maallukoy met dagiti agbasbasa nga agidanun kadagiti dillaw ken rekomendasyon para iti panagdur-as ti pagiwarnak tayo.</p>	<h2 style="text-decoration: underline;">Linaon</h2> <p>Editorial: Papigsaen ti panaglaban iti umir-irteng a pannakibiang militar ken panangdurog ti gerra ti imperyalismo nga US 1 Maika-55 anibersaryo ti NPA, rinambakan 3 Rebolusyonaryo a panagrambak idiyay ICR 3 Kumperensya panggep iti imperyalismo, inangay 4 85th IB, inambus ti NPA-Quezon 4 Kalbaryo ti Masa nga Anak ling-et, insayangkat 5 Panangrespeto iti IHL, sigagaed nga inlaban 5 Dagiti protesta 5 Tignayan a panagilinteg idiyay Agusan ken Surigao 6 Iti ababa a sarita 7 Panagbombomba, pammapatay, kinaranggas ti AFP 8 2 a dinukot nga aktibista, inlung-awen 8 "Kwarantina" militar 9 Protesta laban iti liberalisasyon idiyay India 10</p>
<p>Ti Ang Bayan ket ipabpablaak ti Komite Sentral ti Partido Komunista ng Pilipinas dua a daras iti tunggal bulan</p>	
<p> ang.bayan@cpp.ph</p>	

Maika-55 anibersaryo ti NPA, rinambakan

Nagkakaisa sa diwa, nakakuyom ang kamao na ipinagdiwang ng mga kadre at kasapi ng Partido Komunista ng Pilipinas, mga mandirigma at kumander ng Bagong Hukbong Bayan (BHB), ng mga alyadong organisasyon ng National Democratic Front of the Philippines (NDFP) at ng rebolusyonaryong masa ang ika-55 anibersaryo ng BHB noong Marso 29.



Agkaykaysa iti pakinakem, naka-petpet ti gemgem a rinambakan dagiti kadre ken kameng ti Partido Komunista ti Pilipinas, dagiti mannakigubat ken kumander ti New People's Army (NPA), dagiti alyado nga organisasyon ti National Democratic Front of the Philippines (NDFP) ken ti rebolusyonaryo a masa ti maika-55 anibersaryo ti NPA idi Marso 29.

Kagiddan ti anibersaryo, nagpanawagan ti Komite Sentral ti panglagip kadagiti nagun-od ti hukbo ti umili ken dagiti kakurangan iti naglabas a tawen, panangadaw kadagiti adal manipud kadagitoy, ken panangbukel ti plano tapno gun-oden ti daddadakel a balligi iti panangidur-as ti rebolusyonaryo nga armado a pannakidangadang iti sumangbay a tawen.

Siraragsak met nga impakaammo ti Komite Sentral a ti panawagan para iti tignayan a panagilinteg nga inruar ti Partido idi naglabas a Disyembre 2023 ket sipupuso nga inarakup ti amin a pangrehiyon a komite ti Partido ken kumand ti NPA. "Positibo ti nagbalin a sungbat da ken agdama nga agisaysayangkat kadagiti komperensya ti panaglagom ken dagiti pulong-panagadal tapno kitaen dagiti panagbidut ken nagkurangan tapno ilinteg dagidiay, natibker ken komprehensibo nga idur-as ti amin a rebolusyonaryo a rebenggen," kuna ti Komite Sentral.

Inatasan met ti daulo ti Partido ken NPA nga agirussuat kadagiti basaran a taktikal nga opensiba a kabaelan nga iballigi, a mangpakpakapsut iti kabusor babaen iti paset-paset a panangparmek iti armado a puersa na, ken mangsamsamsam kadagiti

armas na. "Ingatngato tayo ti kabaelan ti NPA iti pannakigubat babaen iti pannakigubat," nakuna na pay.

Dagiti panagrambak ken aktibidad

Agsipud katengngaanan ti Marso, inrussuat kadagiti larangan gerilya ken syudad, manipud Luzon agingga Mindanao—dagiti limed a panagtatabuno para iti anibersaryo ti hukbo ti umili.

Idi Marso 25, nagirussuat ti lightning rally idia y Recto Avenue, Manila ti naduma-duma a rebolusyonaryo nga organisasyon idia y National Capital Region (NCR) tapno saludoan ti NPA. Inyun-una ti panagtinay ti NDF-NCR a linaokan kangrunaan dagiti kameng ti Kabataang Makabayan (KM) ken Artista at Manunulat ng Sambayanan (Armas). Kunada, rumbeng a palataken ken saludoan iti tunggal sulit ti rehiyon ti armado a panaglaban kas kangrunaan a langa ti pannakidangadang ken ipaarakop daytoy iti umili.

Idia y Rizal, nagiharas ti polyeto dagiti kameng ti NDF-Rizal kadagiti dimmar-ay ken nakimaymaysa iti tradisyonal nga Alay-Lakad, a lalaokan ti minilyon a Katoliko, idia y Antipolo City idi Marso 28. Kabigatan, Marso 29, insab-it da ti insagana a putar a balatengga kadagiti natao a lugar idia y ili ti Taytay.

Inyun-una met dagiti balangay ti KM ti panagrambak iti uneg dagiti kangrunaan nga unibersidad iti pagilian. Nagipinta da kadagiti panawagan ken nagipigket kadagiti poster idia y Polytechnic University of the Philippines idia y Sta. Mesa, Manila,

Suruten iti panid 4

Rebolusyonaryo a panagrambak idia y ICR

NAPNUAN REBOLUSYONARYO A regta ken ragsak a nagrambak dagiti rebolusyonaryo a puersa ken masa iti aldaw ti maika-55 anibersaryo ti New People's Army (NPA) iti naduma-duma a paset ti Ilocos ken Cordillera, karaman dagiti syudad ti rehiyon. Iti panagrambak, binasa ken tinalakay ti pahayag ti Komite Sentral ti Partido para iti maika-55 anibersaryo ti NPA. Sinaludoan da dagiti Nalabaga a kumander ken mannakigubat ti NPA ken rinaem iti kinatan-ok dagiti rebolusyonaryo a martir.

Insayangkat dagiti panagrambak iti naduma-duma a panagtatabuno kapada dagiti panagadal iti Abante a Kurso iti Partido ken Intermedya a Kurso iti Partido iti naudi a lawas ti Marso. Inallukoy kadagiti panagtatabuno dagiti naub-ubbing a kadre nga ibukbok ti panawen iti Nalabaga nga hukbo ken usaren dagiti oportunidad tapno makasursuro, agsanay ken agbalin a nalalaing a mannakigubat ti pagilian iti pulitika ken militar.

Inikkan regta dagiti panagrambak kadagiti pangkultura a panagpabuya kapada ti panagdaniw, daniw-garaw ken sangsangkamaysa a panagkanta kadagiti rebolusyonaryo a saniweng ken dagiti panagtatabubo.

Dagiti nakuna a panagrambak idia y Ilocos-Cordillera ket tungpa iti rupa ti Northern Luzon Command ti Armed Forces of the Philippines a nangideklara a narebbeken dagiti larangan gerilya ken rebolusyonaryo a tignayan ti rehiyon. Nagrupa a nengneng dagiti puersa ti militar ken pulis a todo-alerto a nagposte ken nagsiput pay uray kadagiti syudad ken sentro nga urban, nga iti sirok ti murdong ti agong da ket mangingatngato ti gemgem da ken gumgumluong dagiti kari dagiti rebolusyonaryo a puersa nga idur-as ti gubat ti umili iti maika-55 anibersaryo ti hukbo ti umili.

AB

Kumperensya iti teorya kanaig dagiti krisis ti imperyalista nga ekonomya, inrussuat

Naballigi nga inangay manipud Marso 28 agingga Marso 29 idiy Amsterdam, The Netherlands, ti Internasyunal a Kumperensya iti Teorya kanaig dagiti krisis ti Imperyalista nga Ekonomya. Dinar-ayan daytoy ti 98 delegado ken mangibagbagi manipud kadagiti grupo ken partido a proletaryo, anti-imperyalista ken demokratiko manipud iti 18 pagilian. Maikadua a komperensya daytoy a linukatan ti National Democratic Front of the Philippines (NDFP). Inrussuat idi Oktubre 2023 ti umuna a kumperensya a maipanggep iti panagirussuat ti gubat ti umili.

Basar iti pakaammo nga inruar ti komperensya, tinalakay iti dua-aldaw a panagtabuno dagiti agdama a galad ken padron dagiti krisis iti ekonomya iti uneg ti imperyalismo ken iti tengnga ti kumarkaro nga inter-imperyalista a risiris. Limmatak kadgiti diskusyon ti 1) kapitalista a nalabes a produksyon; 2) dagiti oligarkiya iti pinansya ken dagiti gubat ti pagtagilakuan; ken 3) ti sangalubongan a krisis a makagapu iti imperyalista a kinagamrud ken panagkamat ti superganansya.

Maysa kadagiti kangrunaan a nangibingay ti pannirigan ti Partido Komunista ti Pilipinas a nangisumite ti dokumento a nadauloan ti "Ipakpakita dagiti Imperyalista a Krisis a Naluomen ti Agang-angsab a Sistema para iti Sosyalista a Rebolusyon." Tinalakay na dagiti nagdalan a tukad ti pangkabuklan a krisis ti kapitalismo iti uneg ti imperyalismo--manipud umuna agingga iti agdama a maika-uppat a tukad na. Dinalanan na iti pakasaritaan ti disenyo dagiti makuna a krisis a pumagpagteng iti lalo a pannakalungsot ti kapitalismo ken panaglawa ti sosyalista a rebolusyon iti intero a lubong. Inladawan na ti antas ti kinalungsot ti agdama a maika-uppat a tukad ti sibubukel a krisis, a ginaladan ti panagkaro ti panangidadanes ken pananggundaway iti dasig mangmangged ken dadduma pay a maidaddadanes a dasig iti lubong iti uneg dagiti patakaran a neoliberal.

Nangipatulod met ti kontribusyon a dokumento ti Communist Party of India (Maoist). Linaon na nu kasano a naluomen ti agdama a kasasaad iti ekonomya para iti panagbangon manen ti proletaryo a rebolusyonaryo a pannakidangadang.

Naisentro dagiti talakayan kadagiti 17 naipasa a pannirigan ken diskurso dagiti nangibagi kadagiti partido komunista, dagiti nailian a panangwayawaya a tignayan ken dagiti pormasyon a pangpulitika manipud idiy Australia, Belgium, Canada, Italy, Kurdistan, Pilipinas, Turkey, ken US, kasta met dagiti anti-imperyalista nga organisasyon a mangibagbagi kadagiti babbai, migrante, mangmangged pang-agrikultura, nakurapay iti syudad ken syentipiko.

85th IB, inambus ti NPA-Quezon

SITUTURED A TINAMBANGAN dagiti Nalabaga a manakigubat ti New People's Army (NPA)-Quezon (Apolonio Mendoza Command) ti 30-katao a yunit ti 85th IB nga agop-operasyon idiy Barangay Doña Aurora, Calauag idi Marso 25, alas-6 ti rabii. Tallo ti naiyulat a nasugatan kadagiti pasista a soldado.

Segun iti pahayag ni Ka Cielo del Mundo, tagapagsarita ti NPA-Quezon, pinabittakan ti hukbo ti umili iti command detonated explosive ti 85th IB ken pimmaot ti labanan iti 10 minuto. Natalged met ti yunit ti NPA. Napa-ulbodan na manen ti deklarasyon idiy Quezon kas "insurgency-free" idi Hunyo 2023 ken panangipa-uneg iti kategorya a "Stable Internal Peace and Security," kunana.

Idiy Agusan del Sur, iti nabiiit ket inyulat ti yunit ti NPA iti probinsya a nagisayangkat daytoy ti operasyon nga haras laban iti agop-operasyon a tropa ti 3rd Special Forces Battalion (3rd SFB) idiy Barangay Mabuhay, Prosperidad idi Enero 19. Iti panagatake dagiti Nalabaga a manakigubat, dua a pasista ti natay karaman ti maysa nga opisyal dagiti mersenaryo.

Manipud iti panid 3

University of the Philippines (UP)-Visayas idiy Miag-ao, Ilo-ilo, UP Los Baños ken UP Cebu.

Nagirussuat met ti oplan pinta ti Christians for National Liberation, Katipunan ng mga Gurong Makabayan, Makabayang Samahang Pangkalusugan, Liga ng Agham para sa Bayan, ken Armas idiy Quezon City, Pasig City ken Manila City. Nagiruar met ti pahayag ti Makabayang Kilusan ng Bagong Kababaihan. Impanawagan da ti panakilaok dagiti bukod da a sektor iti gubat ti umili ken kumameng iti NPA.

Kabayatan na, adda met dagiti panagtatabuno ken aktibidad dagiti yunit ti NPA kadagiti rehiyon nga agraraira daytoy.

Internasyunal a kablaaw

Nangidanon met ti kablaaw ti sumagmamano a partido ken organisasyon idiy sabali a pagilian iti panagrambak ti anibersaryo ti NPA. Iti pahayag ti Communist Party of India (Maoist), impakaammo na ti talek iti rebolusyonaryo a tignayan iti Pilipinas a maringbawan na dagiti temporaryo a panagatras ken lapped ken maka-abante padur-as.

Nagpahayag met ti panangbigbig iti hukbo ti umili ti Friends of the Filipino People in Struggle ken Anti-Imperialist Action Ireland (AIAI). Kas panagkablaaw da, nagisayangkat ti oplan pinta ti AIAI idiy Galway, Ireland.

Rinambakan met idiy Amsterdam, the Netherlands ti anibersaryo ti NPA kagiddan ti panaglippas ti inrussuat a teoretikal a komperensya ti NDFP idi Marso 28-29. Dimmar-ay iti panagtatabuno ti 98 delegado manipud kadagiti siyam a pagilian.

Kalbaryo ti Masa nga Anak ling-et, insayangkat idiy Metro Manila ken Southern Tagalog

INRUSSUAT DAGITI ORGANISASYON ti masa nga anak ling-et idi Marso 26, idiy Recto Avenue idiy Manila, ti tinawen a Kalbaryo ti Masa nga Anak ling-et. Karaman kadagiti isyu nga insango dagiti kalaok iti Kalbaryo ti kumarkaro a krisis iti kabiagan, reklamasyon idiy Manila Bay ken demolisyon idiy Navotas ken panagred-tag kadagiti lider aktibista ken dagiti komunidad da. Awit da dagiti panawagan para iti panangingato ti sueldo ken pananggibus iti kontraktwalisasyon, panangduprak kadagiti unyon, pananglipit kadagiti mangmangged ken nasaknap a disempleyo iti nailian a kabisera.

Inrussuat met ti Kalbaryo ti Timog Katagalugan idi Marso 24. Awit-awit dagiti kalaok ti panagsupiat iti charter change ken panangidur-as ti pudno a reporma iti daga, makabiag a sueldo, nailian a soberanya, na-ingkalin-tegan a kappia. Iti kasaruno nga aldaw, nagturong da iti nailian a kabisera tapno irupir dagiti arunga-ing da kadagiti departamento ti empleyo, edukasyon ken aglawlaw.

Panangrespeto iti internasyunal a makatao a linteg, sipipinget nga inlaban

NAPARTAK A NAGIPATULOD kadagiti grupo ti Karapatan-Southern Tagalog ken dadduma pay a grupo idiy Batangas ken Quezon idi napalabas a lawas tapno siguraduen nga irespeto dagiti armado a puersa ti reaksyonaryo nga estado ti internasyunal a makatao a linteg. Simmuporta da iti masa a mannalon ken timmulong kadagiti kabagian dagiti Nalabaga a mannakigubat ti New People's Army iti panangsigurado kadagiti karbengan da.

Idiy Batangas, inasikaso ti grupo ken pamilya ti panangala kadagiti bangkay dagiti mannakigubat a da Junalice Arante-Isita (Ka Arya), Bernardo Bagaas (Ka Marmay/Mike) ken Erickson Cueto (Ka Ricky/Vale) a napapatay iti panagatake ti 59th IB idi Marso 26 idiy Barangay Elvita (Tubahan), Rosario, Batangas.

Idiy Quezon, timmulong da iti pamilya da Divine Sureta (Ka Zoe) ken Paul Cruz (Ka Isko), dagiti mannakigubat a nagmartir iti engkwentro idiy Guiniyangan idi Marso 28.

Iti kapada a gundaway, nakalak-am da ti pananglipit manipud iti pulis ken militar. Sobra nga intantan ti pamilya iti panangala iti bangkay dagiti kabagian da ken binuribor uray dagiti komunidad a nagangayan ti lamay. Nupaykasta, natured da nga inrupir ti karbengan dagiti pamilya ken tinakderan a rumbeng nga irespeto ti internasyunal a makatao a linteg.

Maysa a grupo met ti impatulod da idiy Calauag, Quezon tapno ammoen ti kasasaad ni Randy Reota, inyulat ti militar a simmuko a kameng ti NPA idi Marso 25. Kayat da a siguraduen ti panangrespeto kadagiti karbengan ni Reota.



Ayuda ken suporta kadagiti apektado ti El Niño, ited! Nagpiket dagiti grupo ti mannalon ken mangngalap iti opisina ti National Food Authority (NFA) ken Department of Agriculture (DA) idiy Quezon City idi Abril 3. Tinubngar da ti dua nga ahensya ti rehimen Marcos iti panangbaybaya ken kina-inutil na nga itedan ti ayuda dagiti mannalon ken mangngalap a sobra nga apektado kadagiti didigra ti El Niño.

Kompanya a Boskalis, pinagsungbat iti dadael idiy Manila Bay. Nagprotesta iti sango ti embahada ti The Netherlands idiy Manila idi Marso 22 dagiti grupo a makalikasan, syentista, mangngalap ken dagiti residente kadagiti baybay ti Manila Bay tapno singiren ti Boskalis Westminster NV, maysa a kompanya a Dutch, iti impagteng na a dadael gapu iti dredging para iti proyekto a reklamasyon idi 2021-2023. Daytoy a dredging ket panagisagana para iti panangipatakder ti proyekto ti San Miguel Corporation a New Manila International Airport idiy Bulacan. Maysa a kapada a protesta ti insayangkat met idiy Parendrect, The Netherlands, nu sadinno nga adda ti kangru-naan nga opisina ti Boskalis.

Dagiti estudyante ti UST, nagkaykaysa kontra panangikuspil iti kampus. Nagirussuat ti tignay-protesta dagiti estudyante ti University of Sto. Tomas (UST) iti sango ti kampus na idiy Manila idi Marso 22 tapno kundenaren dagiti manangikuspil a patakaran iti unibersidad. Kasaruno ti sangsangkamaysa a panagtignay ti panagiwaragawag ti panagkaykaysa dagiti konseho ti estudyante, dagiti pagiwarnak, ken dadduma pay nga organisasyon iti kampus idi Marso 20 laban iti administrasyon ti UST. Indauloan dagiti aktibidad ti Rise for Education Alliance-España.

Ganggannaet a panangtagikua kadagiti eskwelaan ken panangngato ti tuition, tinubngar. Nagprotesta dagiti kabataan nga estudyante iti sango ti Commission on Higher Education (CHED) idiy Quezon City idi Marso 22 tapno tubngaren ti panangitandudo ti rehimen nga US-Marcos iti charter change a mangipalubos iti 100% panagtagikua ti ganggannaet kadagiti eskwelaan iti pagilian. Kinundenar da met ti agngayngayangay a panangngato ti matrikula kadagiti pribado nga unibersidad a kuna da ket sigurado nga apurbaran ti CHED kas "rubber stamp" dagitoy nga eskwelaan.

Serye ti panagikkat iti Nexperia, lablabanan. Nagprotesta idi Marso 22 iti uneg ti Laguna Industrial Science Park idiy Cabuyao, Laguna dagiti mangmangged ti Nexperia Philippines, kakuyog dagiti tagasuporta da, tapno supiaten ti nakakeddeng a panagikkat iti 54 a mangmangged iti Abril. Daytoy a panagikkat ket maikaduan iti uneg ti walo bulan. Ammo da a panggep ti serye dagiti panagikkat a rebbaen ti unyon a nakagun-oden kadagiti balligi iti sangsangkamaysa a panagtignay dagiti mangmangged iti naglabas.

Panangrugi ti tignayan panagilinteg idiyay Agusan ken Surigao del Sur

Nagsasaruno a panagadal ken talakayan ti naballigi nga inrussuat ti New People's Army (NPA) kadagiti probinsya ti Agusan ken Surigao del Sur iti umuna a kuarto ti 2024. Bunga ti naimpapusoan a panangawat ti komite ken dagiti kameng ti Partido iti panawagan ti Komite Sentral nga irussuat ti tignayan a panagilinteg kadagiti trabaho iti ideolohiya, inggaed ken determinado nga inrussuat ti NPA ditoy dagiti panagadal ken talakayan iti tengnga ti sustenido nga operasyon ti kabusor.

Rinugian da daytoy iti panagadal iti pahayag ti Partido iti maika-55 anibersaryo nu sadinno tallo a grupo ti nakaleppas iti istagard a panagadal. Ti umuna a grupo ket inyun-una ken dinar-ayan dagiti kameng ti seksyon komite ken larangan gerilya. Kaadoan kadagiti dimmar-ay ket nauubbing a kadre a mangbukbukel iti 74% ken 26% met ti nataengan a kadre. Bimmayag ti sibubukel a panagadal iti 18 oras ken 30 minuto. Basa-talakay ken chalk-talk ti nagbalin a wagas iti panagtalakay dagiti kaka-dua.

Iti kolektibo a diskusyon, nagbalin a nabiag ti talakayan dagiti kaka-dua gapu iti panangibingay kadagiti kapadasan da iti panangriing, panangorganisa ken panangpatignay iti masa ken nu kasano nga indauloan ti panangidur-as ti gubat ti umili idiyay probinsya kagiddan ti napakumbaba a panagamiris ken panangawat kadagiti partikular a kakapuyan ken kakurangan a nagresulta iti sumagmamano a pannakapaay iti panangsango iti atake ti kabusor.

Kabayatan na, rinugian dagiti ka-

dua ti maika-dua a grupo ti panagadal a bukuklen ti amin a kameng ti Partido iti uneg ti hukbo manipud kadagiti kandidato ken naan-anay a kameng (40% ken 60%). Nagserbi nga instruktur da dagiti kadua nga immunan a nakaturpos. Ingkagumaan a mapalag-an ti taray ti talakayan iti panangpartuat kadagiti simple a biswal kapada ti drowing iti mapa ti lubong tapno nalaklaka a mailadawan kadagiti agad-adal dagiti pagilian nga imperyalista ken nu sadinno daytoy nga agirusussat itatta ti proxy war, naipakita met kadagiti kadua ti aplag dagiti pagilian nga atrasado weno kolonya ken semikolonya a mangidur-as ti armado a pannakidangadang.

Numanpay basa-talakay latta ti pamuspusan, naaramid a medyo mapabassit ti kabuklan a kapaot ti panagadal. Iti maikatlo a bats, situtered nga inawat ti sumagmamano kadagiti kakadua nga addaan potensyal iti panagisuro ti rebbengen nga agsanay nga agserbi nga instruktur para iti maudi a grupo a binukel dagiti Nalabaga a mannakigubat a saan pay a

kameng ti Partido.

Segun kadagiti kadua, dakkel ti naitulong kadakuada ti panagadal iti pahayag ti Partido. Nangted daytoy ti kabarbaro a pigsa ken nayon a tibker tapno mas pasingkedan ti pangngeddeng a lumaban ken agtultuloy iti armado a pannakidangadang.

"Mas nagbalin a kongkreto kadakuada ti panagbalin a tarabay ti Partido tapno mas maawatan ti napatrak a panagbaliw ti kasasaad," kuna ni kadua Del, maysa kadagiti nagadal. Nagserbi met daytoy a silaw kadagiti kadua a napakapuyan ti nakem ken nakamakam met ida a bumangon manipud iti pannakailumlom kadagiti negatibo a kapanunotan. Maysa kadagitoy ni Ka Maja, maysa nga ina a nu maminsan ket malmalmes iti pannaka-ilaw kadagiti annak na.

Nagserbi a karit met kenni Ka Che a mas agpakatibker ken sangoen dagiti karit iti panagakem kadagiti komprehensibo a trabaho. "Mariknak ti pangkasapulan a doble a panaggaed tapno dumur-as ken tumibker kas kameng ti Partido," kunana.

Dagiti simmaruno a talakayan ket paset ti panagadal kadagiti topikito iti Padepa (Pambansa Demokrati-kong Paaralan) tapno sublian-adal ken awaten dagiti partikular a rebbengen manipud iti antas komite ti Partido, iti sibubukel a kameng na, agingga iti trabaho iti platun ken dagiti katinnulong na. Dagiti panagadal ket panagisagana metten iti plano a panagirusussat ti Basaran a Kurso ti Partido.

Iti kabuklan, naragsak ken naragta dagiti kadua iti panangsango kadagiti karit ken nadanon ti panggep a rugianan ti tignayan a panagilinteg, agkonsolida, kitaen ti tunggal partikularidad nu sadinno a nagkurang ken nagbidut ken determinado a ringbawan dagiti kakapuyan tapno lalo pay a dumur-as kadagiti sumaruno a panawen.

AB



29%




ti dimmakkelan iti pinagtipon a kinabaknang ti tallo a (Manny Villar, Enrique Razon, Ramon Ang) kadadakkelan a burgesya-komprador iti Pilipinas iti napalabas a tawen, manipud ₱1.1 trilyon agturong ₱1.4 trilyon idi Marso.

Kabayatan, ngimmato laeng iti 7% ti abereyds a minimum a sueldo dagiti mangmangged manipud ₱409 agturong ₱439 iti agpada a panawen.

\$700 M ⁺

ayuda militar nga imbukbok ti US idia Taiwan tapno durugan ti pannakisina na iti China ken aramaten ti umili ti isla iti pannakirinnikar na iti China.



27

a maladaga ken ubbing ti natayen iti bisin idia Gaza.



139



mangmangged ti **National Food Authority** ti "saan a naingkalintegang ken awanan basaran" a sinuspinde iti alegasyon a karaman ida iti "sindikato" iti uneg ti ahensya.

Inrupir ti COURAGE a dagus ida nga isubli iti trabaho.

April 1, 2016

napasamak ti Kidapawan Masaker, nu sadinno a pinalto-paltugan dagiti pulis dagiti agralrali a mannalon idia Kidapawan City, North Cotabato para iti umdas a suporta iti estado iti tengnga ti nakaro a panagtikag a pagteng ti El Niño.

Tallo ti natay ken surok 100 ti nasugatan kadaytoy a masaker.

₱164.7B

depisit iti badyet ti Pilipinas iti umuna a kwarto ti 2024, 55% a dakdakkel ngem iti ₱106.4 bilyon depisit iti umuna a kwarto ti 2023.

46

a daras nga inaramaten ti US manipud 1972 ti botos na iti Security Council ti United Nations tapno salakniban dagiti agresyon militar ken panangsakop ti Israel kadagiti teritoryo ti Palestine.

Tallo ket inaramat kadaytoy laeng napalabas a lima bulan tapno pagbayagen ken pakaruen ti gerra nga henosidyo laban kadagiti Palestino idia Gaza.

Praymer

Didigra ti El Niño:
Tikag, panagbaybay-a
ken pasismo ti rehimen
Marcos

Marso 2024



I-download ang inyong kopya sa:
<https://philippinerevolution.nu/>

Panagbombomba, pammapatay ken kinaranggas ti AFP iti napalabas a lawas

Nangidanon ti buteng kadagiti residente ti insayangkat nga aerial bombing ti Armed Forces of the Philippines (AFP) kadagiti komunidad iti nagbeddeng ti Sta. Maria, Ilocos Sur ken Pilar, Abra idi Abril 2 ti aldaw. Saan a bumaba iti 212 pamilya ti nagbakwit gapu kadagiti panagbombomba ken pananglipit iti pagbiagan da. Laksid ditoy, ginasut a tropa ti militar met ti inggabur iti lugar para iti operasyon a kontra-insurhensya.

Ti panagusar ti napipigsa a bomba ket "likas nga indiscriminate" weno awan pilpilyen na, mangisagsagmak iti biag ken pagbiagan dagiti sibilyan ken mangipagpagteng ti nalawa a pannakadadael ti aglawlaw. Iti kinapudno, labes iti ground zero ti epekto ti panagbombomba ti AFP manipud iti tangatang, maikaniwas iti ibagbaga ti 501st IBde a ti panagbombomba ket nakaturong laeng iti maysa a yunit ti New People's Army (NPA)-Abra.

Pammapatay. Pinaltupaltugan

agingga mapapatay ti 62nd IB ken dagiti pulis ti sibilyan a manalon a ni Marlon Catacio idiy Sityo Ngalan, Barangay Quintin Remo, Moises Padilla, Negros Occidental idi Abril 4. Tapno tarayan ti panangsungbat, pinaruar ti militar a Nalabaga a manakigubat ni Catacio a napapatay iti maysa nga engkwentro. Dagus a pinaulbodan daytoy ti mismo ina ti biktima.

Panagaresto. Kinemmeg ti 62nd IB ni Ronald Cantela idiy Sityo Pitikpitik, Barangay Luz, Guihulngan City

idi Marso 20. Parparuaren dagiti soldado a nakumpiskar iti balay na ti maysa a pistola. Dinadael met dagiti soldado dagiti arawaten ti pamilya bayat iti panagsukain.

Panangabus. Inaprusan ken binastos ti maysa a nabartek nga elemento ti 59th IB ti maysa a balasitang idiy Sityo Sales, Barangay Pook, Balaian, Batangas idi Marso 28. Laksid ditoy, awan rasrason met a binugbog ti soldado ti 14-anyos a lalaki a kadua ti balasitang.

Pananglipit. Binutbuteng ken hinaras dagiti pinagtipon a puersa ti pulis, militar ken opisyal ti barangay ti tim dagiti boluntir nga agisaysayangkat ti imbestigasyon panggep iti epekto ti El Niño kadagiti manalon ken residente ti Barangay Sampaga, Balaian, Batangas agsapa ti Marso 24. **AB**

Panangilung-aw iti 2 a dinukot nga aktibista idiy Pangasinan, resulta iti napartak ken naregget a panangirupir

Iti uneg ti tallo aldaw, naiduron dagiti kabagian, gayyem ken dagiti kapada nga aktibista dagiti puersa ti estado ken ti rehimen Marcos nga ilung-aw da Francisco "Eco" Dangla III ken Joxelle "Jak" Tiong. Nadukot ti dua idi alas-8 ti rabii ti Marso 24 idiy Barangay Polo, San Carlos City, Pangasinan. Inwaragawag dagiti grupo iti karbengan-tao nga "awanen iti ima dagiti nangdukot kadakuada ti dua, bugbog sarado, ngem sibibiag" idi Marso 27.

Iti panagistorya dagiti nakayimatang, nadukot ti dua kalpasan a sadaen ti maysa nga SUV ti traysikel a nagluganan da. Dua agingga tallo a tao manipud iti SUV ken maysa pay a sakay ti maysa a motorsiklo ti nangbugbog ken nangisakay kada-kuada iti lugan, kunada. Nangngeg da pay ti panagdawat ni Tiong ti tulong.

Ni Dangla, 39, ket sigud nga estudyante ti University of the Philippines ken agdama a tagapagsarita ti Bagong Alyansang Makabayan (Bayan)-Pangasinan. Bayat a ni Tiong, 29, gradweyt ti Universidad de Dagupan ket koordineytor ti Kabataan Partylist idiy Probinsya. Agpada da

a taga-ummong (convenor) ti Pangasinan People's Strike for the Environment, grupo a tumaktakder laban iti plano a black sand mining ken panangipatakder ti nuclear power plant idiy probinsya. Sakbay ti insidente, biktiman ti dua iti awan sardeng a Red-tagging, panangsi-put, intimidasyon ken dadduma pay a porma ti pananglipit ti armado a puersa ti estado.

Dakkel ti nagbalin a tulong ti nasaknap a panagbirok ken panangparnuay ti tagari tapno mailung-aw dagiti biktima. Dagdagus a naiyulat ti insidente ti panangdukot kada-kuada, naipaskil iti social media, nakairuar kadagiti pahayag ken na-

ka-ani ti suporta manipod kadagiti grupo a makakalikahan ken dadduma pay. Naipadamag met daytoy a dagdagus iti telebisyon.

Nagprotesta met a dagdagus dagiti tagasalaknib ti karbengan-tao idi Marso 25 idiy Quezon City tapno kundenaren ti panangdukot dagiti ahente ti AFP ken PNP iti dua. Nangbukel met kadagiti tim tapno sugsgugen dagiti kampo militar ken istasyon ti pulis iti ayan dagiti biktima.

Paset ti kampanya ti iyuumay dagiti kabagian da Dangla ken Tiong, kakuyog ni Kabataan Representative Raoul Manuel, dagiti taong-simbaan ken dadduma pay a grupo idiy Camp Lt. Tito Abat, Barangay Calaoacan, Manaoag, Pangasinan, kampo ti 702nd IBde, 7th ID.

Nagdamag da idiy kampo ken nangidasar ti "inquiry" kasilpo ti ulat iti ingkapilitan a panangpukaw kada Dangla ken Tiong. **AB**

“Kwarantina” a militar, pagbaludan dagiti “simmuko” a sibilyan idiy Surigao del Sur

Manipud idi dinarop dagiti yunit ti 3rd SFB ken 75th IB ti Surigao del Sur idi 2020, immado ti nakalak-am ti kinaulpit ti militarisasyon ken nabiktima ti peke a panagpasuko ti Armed Forces of the Philippines (AFP). Kaaddoan kadakuada ket dagiti lumad.

Iti linged ti Retooled Community Support Program (RCSP) ken Enhanced Community Livelihood and Integration Program (E-CLIP), nagbalay-balay dagiti soldado ken pulis awit ti listaan dagiti target da iti kampanya a peke a panagpasurender. Uray pay saan ida a samsampaan ti kaso, dagiti adda iti listaan ket pinilit a “sumuko” ken “agpayibalud” iti kampo tapno “agpaclear wenno ipadalus” dagiti nagan da. Pinanamnama ida a “makaruk-at” met iti uneg ti tallo agingga innem a bulan kalpasan a “madalusan” ti nagan da. Dagiti saan a sumuko ket pinangtaan a sampaan ti agsusumbangir a kaso. Gapu iti buteng, sumagmamano ti napilitan a “simmuko” ken pimmaneg iti “kwarantina” bayat nga agagin a maiprosproseso dagiti ar-aramid a kaso laban kadakuada.

Iti aktwal, ti “panagkwarantina”

ket ilegal a panag-aresto ken detensyon kadagiti indibidwal nga isilsilpo iti armado a tignayan nga arbitraryo ken awan basaran nga itudtuding ti estado kas “terorista.” Parparuaan a “boluntaryo” ti panagsuko da gapu ta awan naka-isyu a mandamyento de aresto laban kadakuada. Adu kadakuada ti saan nga isangsango iti korte, awan ligal a representasyon ken papa-idaman kadagiti dadduma a karbengan. Labsing ti kasdiy a panagaresto ken panangipupok kadagiti basaran a sibil a karbengan, ken uray iti internasyunal a makatao a linteg.

Iti bangir a benneg, dagiti peke a panagpasurender, ilegal ken sikreto a panagaresto ken panangibalud ket panangipraktika iti pasista nga Anti-Terror Law. Palpalubosan daytoy a linteg ti arbitraryo a panangilista iti asinnoman kas “terorista”, ken ti

panagaresto ken panangipupok kadakuada iti surok 24-oras nga awan nalawag a kaso.

Pagbagasan ti militar

Dakkel a bakbaklayen daytoy nga iskema dagiti mannalon a biktima gapu ta kasapulan da ti agpyansa kadagiti ar-aramid a kaso. Adu kadakuada ti mapilpilitan nga agilako kadagiti daga da ken umutang iti addaan nangato nga interes tapno makaurnong ti pyansa a manipud iti kadawyan a ₱30,000 agingga ₱120,000.

Uray nakabayad dan ti pyansa, saan pay a nalpas ti kalbaryo da. Nayon a parigat kadakuada ti panangpuersa ti militar a traydoren dagiti kakadua ken lider da, tiktikan dagiti pagat-atapan a sumilsilpo iti NPA, ken iyulat nu adda makitkita da a pakailasinan wenno kampo ti NPA.

Ti dadduma a biktima a sinampaan kadagiti ar-aramid a kaso a kriminal kas ti panagpatay ken napay a panagpatay ket iyak-akar idiy provincial wenno city jail, nu sadinno nga awan kasiguraduan nga isuda ket mawayawayaan pay.

Inaramid met a pagbagasan dagiti opisyal ti AFP ken PNP ti nakakeddeng nga ayuda a pangpinansya para kadagiti “surenderi” iti uneg ti E-CLIP. Awan uray maysa a sentimo ti naawat da manipud kadaytoy a programa. Ad-adu a mannalon ti ipuppupok dagiti soldado, ad-adu ti maibulsa da.

Panggep dagiti ilegal a panagaresto ken panangibalud a pakapsuten ti nairut a panagkaykaysa ti umili idiy Surigao del Sur ken gibusan ti tallo dekada a pananglapped ken pananglaban iti panagserrek dagiti logging concession ken ganggannaet a kompanya iti panagminas a nabayagen nga agkatkatay iti nainsigudan a kinabaknang nga adda kadagiti tawid da a daga.



Protesta ti mannalon laban iti liberalisasyon, bimmuelo manen idiyay India

Idi Marso, inallukoy ti Communist Party of India-Maoist ti rinib-ribu a mannalon nga ituloy ti protesta da agingga a saan da magun-od dagiti kiddaw da. Manipud katengnga ti Pebrero, nagtultuloy dagiti pangmasa a panagtignay a linaukan ti 30,000-50,000 mannalon tapno irupir ti nainkalingegan a presyo ti panangatang kadagiti produkto da ken panangipatungpal kadagiti kari ti agturturay a partido a Bharatiya Janata Party (BJP) iti napa-labas a dua tawen.

Sakay kadagiti traktora da, ginandat dagiti mannalon nga idanon idiyay Delhi, kabisera ti India, ti protesta da ngem sinerraan ken winara ida idiyay Shambu, maysa nga ili a 200 kilometro ti kaadayo iti kabisera. Manipud Pebrero 13, namin-ano a rinebba dagiti soldado ken pulis ti protesta da babaen iti panangitupak ti bomba a teargas usar dagiti drone ken panangpaltog usar ti pudno a bala ken rubber bullets. Saan a bumaba iti dua a raliyista ti natay ken ginasut ti nasugatan. Ad-da dagiti nabengngeng ken nabulag gapu iti panagatake. Kaaduan kadagiti limmaok iti protesta ket manipud iti estado ti Punjab ken Haryana.

Idi Marso 14, nagtutrong idiyay Delhi ti 5,000 kadakuada iti panangidaulo ti Samyukt Kisan Morcha (Di Pulitikal) ken Kisan Mazdoor Morcha. Imbagi da ti saan a bumaba iti 40 unyon a pang-agrikultura a kalaok iti protesta iti pannakipagdayologo iti gobyerno nga Indian.

Ti kabarbaro a pugso ti panag-

tignay ket kasilpo ti nasurok maysa tawen a protesta ken panagkampo dagiti mannalon idi 2020-2021 a nangpasanud iti tallo a linteg a nangpanggep nga ipauneg ti sektor ti agrikultura kadagiti patakaran a liberal. Maysa kadagiti kari idi ni Narendra Modi, daulo a ministro ti India, ti panagdoble ti birok dagiti mannalon sakbay nga aglippas ti agdama a termino na intuno 2025.

Dua tawen kalpasan dagiti kari, nagudua ti birok dagiti mannalon. Nakarkaro, ganggandaten ti rehi-men a Modi nga ilusot ti liberalisasyon iti linnakuan ken pribatisasyon dagiti serbisyo iti agrikultura a saan nga ipadpadalan iti parlamento.

Iti agdama a panagtignay, irup-rupir dagiti mannalon a pasingke-dan ti estado ti minimum price support (MSP) wenna presyo ti panangatang ti estado kadagiti produkto laban iti panangbarat dagiti komersyante ken killaat a panagtupak ti presyo ti merkado. Kunada, rumbeng nga ikeddeng ti MSP a 50%

a nangatngato iti gastos da iti produksyon tapno masigurado a mabi-ag da dagiti pamilya da. Panawagan da a saklawen na amin dagiti mula ken saan laeng iti 23 mula kas ti ipatpatungpal ti BJP.

Kasilpo na, impanawagan da ti panangibasura kadagiti katulagan a sinerrek ti India iti World Trade Organization ken saan a panagserrek iti aniaman a katulagan para iti "nawaya a linnakuan." Kinundenar da ti panangiduron ti nabileg a bloke iti WTO para iti panangibasura ti sistema nga MSP kas maysa a porma ti subsidyo. Supsuppiaten da met ti panangiduron ti WTO para iti panangikkat ti subsidyo iti abono, pestisidyo, bin-i, kuryente ken dadduma pay a serbisyo a nakaro a kasapulan dagiti mannalon.

Iruprupir dagiti mannalon ti panangunas kadagiti utang da, a naiballigi da kadagiti panagtignay idi 2020-2021. Impanawagan da met ti hustisya para iti 750 mannalon a natay gapu iti panagranggas ti estado kadagitoy a panagtignay.

Ti pannakidangadang dagiti mannalon ket saan a nakasina iti pannakidangadang ti dadduma pay a sektor ti gimong nga Indian, partikular iti pannakidangadang dagiti Adivasi (nailian a minorya), kuna iti CPI-Maoist. Agpada a panggep dagitoy a panagtignay a salakniban ti

kinabaknang ken nainsigudan a rekurso ti pagilian. Iti kasdiy, rumbeng a suporta-an daytoy ti amin a demokratiko a sektor ti gimong nga Indian kas iti panagsuporta da kadagiti protesta idi 2020-2021. Adda iti 40%-60% ti 1.4 bilyon nga umili nga Indian ket mangnamnama iti agrikultura. Nasurok kagudua kadakuada ket awanan bukod a daga, ken ti dadduma ket babassit a mannalon.

